

KENYATAAN AKHBAR

PROGRAM PENDEDAHAN BELIA-BELIA YANG BERPOTENSI UNTUK MENCEBURI BIDANG PERTANIAN BERTEKNOLOGI TINGGI

27 ZULHIJAH 1440 BERSAMAAN DENGAN 28HB OGOS 2019,

Dewan Simpur, Pusat Urusniaga Hortikultur Rimba,

Jabatan Pertanian dan Agrimakanan

Kementerian Sumber-Sumber Utama dan Pelancongan (KSSUP) melalui Jabatan Pertanian dan Agrimakanan sekali lagi mengungkapahkan “Program Pendedahan Belia-Belia Yang Berpotensi untuk Menceburi Bidang Pertanian Berteknologi Tinggi”. Program yang kali ketiganya ini diadakan selama 4 hari bermula dari 28 Ogos hingga 3 September 2019 bertempat di Dewan Simpur, Pusat Urusniaga Hortikultur Rimba, Gadong. Program ini meliputi sesi taklimat yang diberikan oleh Pengarah Pertanian Dan Agrimakanan, Hajah Aidah Binti Haji Mohd Hanifah serta pegawai-pegawai daripada Jabatan Pertanian dan Agrimakanan.

Program ini adalah merupakan salah satu inisiatif Jabatan Pertanian dan Agrimakanan dalam mendokong Pelan Strategik Jabatan Pertanian Dan Agrimakanan 2016-2022, yang berkaitan dengan usaha untuk meningkatkan penglibatan belia dalam sektor pertanian. Di samping itu juga, program ini bertujuan untuk mendedahkan perusahaan pertanian sebagai satu perniagaan menguntungkan, khususnya dalam bidang industri tanaman menggunakan sistem teknologi tinggi bagi meningkatkan hasil keluaran pertanian.

Program ini dibahagikan kepada sesi taklimat dan sesi lawatan ke ladang pertanian dan pasaraya. Semasa sesi taklimat, penerangan dibuat mengenai peluang-peluang pelaburan di bidang industri tanaman; simulasi kewangan bagi perusahaan pertanian menggunakan teknologi tinggi; dan peluang-peluang pasaran di pasaraya tempatan. Sementara itu, melalui sesi lawatan, di antara pasaraya-pasaraya dan ladang-ladang pertanian yang dilawati ialah Supasave, Hua Ho Department Store, RZ Prisma Enterprise, Syarikat Greenthumb Farms Sdn Bhd, Ladang Tunas Harapan dan Riverland Agriculture Farm.

Melalui program ini, Jabatan Pertanian dan Agrimakanan cuba untuk menarik minat belia-belia termasuk mereka-mereka daripada lepasan IPT (Institusi Pendidikan Tinggi), dan dengan melibatkan dokongan dari keluarga masing-masing dari segi moral dan modal, untuk menggalakkan anak-anak mereka menceburkan diri dalam bidang pertanian. Melalui program ini juga, Jabatan Pertanian dan Agrimakanan memberikan fokus kepada beberapa sistem dan teknologi pengeluaran yang bersesuaian dengan kemampuan para peladang belia seperti sistem fertigasi dan sebagainya. Adalah menjadi objektif Jabatan Pertanian dan Agrimakanan supaya peladang-peladang termasuklah para belia-belia ini nanti akan dapat melipatgandakan keluaran dan pendapatan mereka supaya mereka nanti dapat berdikari, dan selanjutnya dapat menambah keluaran sehingga dapat menembusi pasaraya-pasaraya tempatan dan selanjutnya menembusi pasaran eksport.

Para belia yang berminat bolehlah menghubungi Bahagian Industri Tanaman, Jabatan Pertanian Dan Agrimakanan di talian 2470400, 2388095, atau 2382822.

Kementerian Sumber-Sumber Utama dan Pelancongan

27 Zulhijjah 1440/28 Ogos 2019